

高唐新志

6. 511  
地140.241  
139  
部三三126

光緒丁未鑄

高唐州志

州庫藏板

高唐州之在春秋齊之西鄙境也元以後改升  
為州其初一邑而已其地四面平楚無高山大  
川清靈淑秀蜿蜒鬱積之奇可生殊技異能創  
鉅觀以名世又未聞有造化之妙學生之巧如  
虫魚禽鳥之凡可新觀聽者噫是欲搜羅散佚  
成一家言弁諸志首不猶橫濬之於河海稊米  
之於太倉乎雖然吾聞之物之尤者其性殊器  
雕績者其質疎民佻巧者其天漓故上古之民  
積中原之土敦琳瑯珊瑚玳瑁翠羽犀象齒革  
高唐州志 卷首

蛇龍珠涎不產於中土不重於聖人而遐荒化  
外之氓乃至忘生命觸蠻瘴而求之抑多見其  
愚也聖人者開物成務意在持久倡為務本抑  
末濬源節流之法累千萬言以為中土士夫庶  
人命俾各安其恒產以養生送死長保無虞而  
又設為刑禁俾不敢為高曠恢詭之談驚世僞  
俗之行以趨於純實而孝秀之生靈異之產乃  
亦往往不乏見以此知道氣之感神也州之有  
志所以備後輔軒與後來者採風俗考得失知

從違耳非門富麗也而高唐州志自乾隆以至道光屢有增續迄今又六七十年其間迭經兵燹變為樂土民俗敦龐之善孝義無忝之風代興代起頗有足多宜守土者毋令湮沒其地靈之功也况當

朝廷

勵精圖治百度維新各郡縣改弦更張非詳之志乘無以為徵則茲志之所以續修者固不特纂舊聞闡幽微紀遺佚旌死節已也其民氣之奮揚學校之變革方將新耳目於委巷鑿靈竅

高唐州志

卷首

二

於渾敦而要其歸亦無悖乎先王務本之意以勵民者佑民耳此則有司所宜殫究而不容引喻失當謙讓未遑者也齊守茲土五年矣秉性誠樸政務因時不敢以迂拘為信古尤不敢以愛古而薄今嘗默觀四海五洲萬國之衆其能自強於羣雄之間者其大經大法與古昔聖人間有一二不謀而合究其鹵莽滅裂者類不免於商君秦法之苛嗚呼世豈有新舊哉亦視乎行法何如耳是不可不登之志乘以備後來者

有所考鏡而採擇焉光緒三十三年歲次丁未仲秋月知高唐州事合肥周家齊謹序

附記徵士鞠君華軒建章事畧

州志之成有徵士鞠君華軒行品足多者余延之以司其稿者也生平善讀書優於文年十五為州學冠軍冠後益攻苦甲午秋舉於鄉為人仁厚敦孝友人無疎若戚咸德之而識趣尤超卓可喜與人論事只一二語了其理以階資應得官邑宰造蒼生福惜阻於時變遂退而授徒

高唐州志

卷首

三

顛以獎成後進為心貧者欣膏薪魯者變氣質一時信從之衆至有伐木以榜其門為諡以傳於後蓋古有道者涼也余是器之且以志事嘗柬招至署一傾譚焉不幸志成而華軒不諱卒令有土者徒以地有端人不獲長為矜式以資治理重可慨也因附記其畧於左方聊誌欽恤之忱云丁未冬知州事周家齊拜撰

序一

古者列國皆有史自秦罷侯置守宰而列國之史廢于是郡邑之志寢興焉志蓋史之類也而其所載則史略而志詳作志者非具良史之才則亦莫之能爲也予嘗病近世之爲志者非太繁而失之冗雜則太簡而失之遺漏其或免于斯二者則又其議論或詭于正道其是非或謬於聖人而其失彌甚焉是志之難尙矣非志之難作志者之難其人耳高唐州舊有志六卷天

高唐州志

卷首

原序

四

順庚辰學正盧瑞修之今六十有五年矣嘉靖壬午儀真王君以進士來知州事亟欲重修之屬當兵後民居官廨多燬於火有司露居以蒞事遑及他乎甫期歲政教大行百廢寢舉于是乃出所藏圖志諸書命庠生李潛等窮蒐博訪分類編纂凡十旬始克成書總爲二卷其所當書者雖細必錄不嫌于太繁其所不當書者雖鉅必遺不嫌于太簡其義例嚴矣嗚呼是志成而後疆域之廢置風俗之升降人才之盛衰官

師之良窳民賦之登耗燦然如指諸掌不惟爲政于斯者因革損益得其所資而凡有志之士欲考四方之故者不必親履其地一展卷而盡得之矣此其所係顧其小也哉然非有良史之才則亦不足以與于此也使今之爲府州縣者皆能究心於是而天下無闕志矣以志之詳補史之略而天下無闕事矣昔宋景文公出知鄭州猶兼修唐書是以有司領史職也予故因事是志而有致望于今之賢有司焉君名大化南

高唐州志

卷首

原序

五

畿鄉闈第一人其舉進士也于予有塲屋之雅故以志屬予爲之明林文俊撰

序二

高唐州新志成縉紳先生僉謂江當有序江不  
可以辭序曰志史也古者史以紀事昭往式來  
明道考跡識因稽革先王經世宰物之微權也  
秦易封建爲郡縣史亦隨廢而志隨興故統志  
通志郡志州縣志斯作矣志也者史之遺也高  
唐居中原衝衢海內兵作先被荼棘金元之際  
干戈倥偬爲戎馬蹂躪之場迨國朝混一列聖  
相承仁漸義摩百八十年來四方文治益極盛

高唐州志

卷首

原序

六

矣天順間學正盧瑞作前志繼而州守王大化  
作後志江求而覽焉盧志略王志蕪且多漫漶  
不存又其廢者三十餘年識者不無憾焉嘗聞  
時有升降政由俗革今景運熙洽正修典章隆  
文獻之時而况中原名區如斯州者乎廼謀諸  
寅長我山胡子胡子有志纂正而吏事叢委日  
不遑給咸屬筆於江江不揣固陋廼據前後志  
證諸經史叅諸郡志旁搜博採訂訛補漏三閱  
月而脫稿質于胡子裁定之復授鄉薦士熊子

芝太學生穆子伯澄崔子若無庠生劉子仲龍  
而讐校焉摭遺攜實爲圖四爲表三爲紀二爲  
誌爲述爲傳爲類各一總爲綱七爲目四十有  
一附目十有一釐爲七卷圖地景而方輿備矣  
表編年而古今稽矣誌天文而星土昭矣紀地  
理而典則具矣述政治而官政著矣傳人物而  
士習勸矣類藝文而文獻徵矣紀雜述而見聞  
廣矣又逾年始克成編其于因風設教稽古作  
則者不無少助焉昔司馬遷作史記其文雄深

高唐州志

卷首

原序

七

雅健爲百代文章之祖而班固譏之有序道德  
先黃老而後六經之目夫遷良史也未可輕爲  
譏評然班之言後世亦無貶焉甚矣著述之難  
也矧舊典湮滅後學寡聞其能無掛漏之弊偏  
頗之失乎審覈致確尙有賴于後世之博雅君  
子也庸書以告嗣宦茲土者明同知金江撰

序三

昔楊用修纂四川總志廣搜三代金石鼎彝之  
文最爲詳備而復以雄文健筆文采葩流覽之  
如觀樂洞庭之野而閱戰昆陽廣武之間斯宇  
宙之奇詭也予謂用修浸失史意志史之濫觴  
而史又實本于春秋乃經世之書非誇多鬪靡  
止以侈耳目之觀已也其大旨別淑慝昭勸懲  
以佐賞罰之不逮紀名物象數以備掌故又其  
次也使郡邑而無志志而僅以侈耳目之觀則

高唐州志

卷首

原序

八

勸懲廢矣賢愚同一邱之貉而臧穀兩亡其羊  
將蘭芷與蔓草俱委而祥麟與禱机偕沒矣可  
乎哉故志宜質勿華宜簡勿繁要不失史與春  
秋之大旨而可矣嘗考古者生子問史書之間  
者二十五家之謂也二十五家且有史而況于  
郡邑乎予髫年受書卽明此意初任蘄春延請  
紳士纂修蘄志書成亦自斐然量移海陵文獻  
之邦古牒可稽英流鱗萃始設局鳩工而予以  
報罷歸矣繼補魚邱魚邱爲東郡要地每覽前

史名卿碩彥代不乏人予下車之初卽欲網羅遺事續成一郡之書而舊志無存無從着手後朱華允先從浙中覓舊志二冊見寄急披閱之脫略漫漶半不可識乃本州州同義烏金君所纂修者其書至嘉靖癸丑而止迄今已百餘年矣抱此遺編稍覺統緒可尋便欲續加修輯以酬夙志適

聖天子稽古右文有各省修志之

旨功令炳于日星予益不敢以不敏辭矣但魚邱屢

高唐州志

卷首

原序

九

遭兵燹搜斷碣于幽隧徵往事于瞽宗極意採訪十不獲一所幸襄陽之耆舊猶存東魯之靈光尙在得以依風請教而僚友諸君子或名高虎榜或望重鱣堂亦皆以豐才博學匡予不逮學校諸子亦代爲檢閱咨討備極苦心友人津逮遂哀集而潤飾之彬彬乎質有其文矣予則秉以虛公加之詳慎奇麗博雅雖不敢望用修後塵然別淑慝而昭懲勸亦期不失史與春秋之大旨而已知州劉佑撰

三序舊志並列藝文志

序四

州之有志猶國之有史也史以昭崇信示懲勸紀實以詔將來其有關於世道人心者綦重亦綦嚴也乃云志與史媿美似誇非誇也今天下幅幘萬里聲教遐暨南至於臺灣北至於蒙古諸部落東抵於三韓西抵於三苗邁秦漢而超唐宋千古所未易有我

聖天子御極五十一年屢下蠲賦之詔開解網之仁揆文奮武地平天成亦百王所未易見猗歟休

高唐州志

卷首

原序

十

哉版圖之孔厚風俗之時雍且梯山航海莫不率俾來享來王舉凡雕題黑齒之邦日出無雷之國咸獻琛奉朔稽首

天子豈非奉三無而撫九有之一人有慶乎乃

軫念直省加惠元元

特命儒臣修一統志且行取曲沃賈中丞刊行陝西河南通志爲天下作志令式使臣工士民知所適從誠哉一代之鉅典百代之憲章也圖躍前

承乏江南散官六年視府貳篆者四載每見各郡志邑乘留心緝閱始信志之與史實相表裏者也史約而志博凡輿圖之阨要山水之流峙人物之貞邪官師之臧否與夫學校之或廢或興賦役之或輕或重戶口之或登或耗風尚之或儉或奢及於城池祠祀何者宜亟繕修溝洫與梁何者宜圖濬治兵防驛遞何者宜酌減增祥瑞災祲何者宜勤修省溯循其初卒研究其宏纖張弛因革揅敝補偏於以奠民生而補治

高唐州志

卷首

原序

七

道惟志爲權衡是故經濟之士不出家而天下事如指諸掌焉故志之媲美於史似誇實非誇也圖躍自己丑移守是邦見舊志自癸丑迄今幾四十年不爲增輯不特棗梨殘闕失次垂帝虎魯魚之謬三豕渡河之疑而其間挺英植秀紆紫擁皂孝友忠貞淑德懿行泯無可徵將何以示信從而成一州之志也耶圖躍不揣固陋謬司民牧自維上之不能爲

聖主立不朽之事功下之不能爲一州二萬戶與永

遠之利濟忍焉而慚惕焉而懼於一二公事外  
屢存修墮舉廢之意有心無力徒托空言而無  
補於世是以此修志之舉所不敢緩者也爰廣  
搜博採摭拾見聞質諸輿論有者登之亡者補  
之未盡者續舉而增入之皆二三親友考訂至  
再宣質母文宣滅勿誕以期少有裨於世道人  
心除沿革事宜增刪損益惟求可信可考而已  
至於忠孝之軼事節義之苦心三致意焉有美  
必傳有善必錄勿附會勿夸毗以其可崇可信

高唐州志

卷首

原序

三

可勸可懲無愧於心無玷於志而後卽安自秋  
歷春克竟其業所喜者信之於今得以傳之於  
後所懼者搜羅恐未備採訪恐未周端有望於  
後之同志者循舊增新補遺繼續悉心爲之不  
遺餘力此又一州之深幸也夫龍圖躍序

纂修姓氏

康熙五十一年

知州龍圖躍州判呂國祚學正尹長祐訓導  
蔡一浚吏目錢玉培驛丞郭駿舉人王冕副  
貢辛潤拔貢張夢僧

廩生許應聘高朗張  
與朱劉倓監生朱績

序五

高唐之名舊矣肇於左氏傳於孟子雜出於史漢百家之書其間有盼子之武略劉寔之清操華嶠之著述閻復之文章炳炳可稱迨至

本朝鼎興旌麾方面後先勛業相望遐哉盛矣何莫非土厚風醇有以發爲人物之光華也哉余自滇中別駕來守是邦至官見其地南通吳會北拱

神京車蓋輻輳允爲往來孔道急欲咨求文獻考

高唐州志

卷首

原序

三

稽典章而經疇昔灰燼之餘僅得一編於劉龍二公掇拾之所獲且近今日見耳聞苟不及時蓄貯又將同於澹烟冷草漸滅以至於盡爲躑躅者久之旣已先務是急新文廟作泮宮設義塾於各鄉僮叟黃童咸爲鼓舞率從乃詢於衆曰州志之無徵也殆四十餘年矣曷續諸僉曰諾遂遴老成諸生八人分行四隅凡金石之鐫棗梨之刊青箱素竹之記田疇桑婦之談無不廣搜博採俾其無壅於聞旣乃開館分局廣延

名儒發凡起例提綱振目浹月而告成將謀開  
雕名之曰續志由於繼劉龍二公而爲書也或  
詰余曰是豈不可以專家自命而胡謂續爲余  
曰不然夫朝有良法而無以承流而宣化者怠  
也野有善俗而無以揚清而激濁者恥也  
國家幅幘四垂無遠弗届

列聖深仁厚澤淪入肌髓恭逢

皇上崇道右文禮明樂備余小臣得於簿領餘閒討  
論典故克成此編雖於劉龍二公前書不敢曰

高唐州志

卷首

原序

古

踵事增華然異日者太史有採風之舉司市有  
納價之陳將以考魚邱之往事資經國之宏謀  
或庶幾於是書猶有取焉何不可以續志云乎  
哉知州畢一謙序

纂修姓氏

乾隆七年

知州畢一謙州判戴光陽學正孫嘉言訓導  
王曰廉吏目孟可權舉人耿賢舉張與朱杜  
忠王琰貢生劉九成王裕基廩生孟道高杜  
天篤張輝王作睹李作檢許方勲張象離

序六

古治州曰牧牧者知其利而字之知其害而芟  
夷之必先辨其疆域識其物產審其風俗徵其  
文獻周官所謂周知地域廣輪之數掌道四方  
之政者此物此志也昔之司牧者抱殘守闕於  
兵燹煨燼之餘輯爲成書俾後來者得有所承  
藉功良鉅矣久之又久而沿革廢置今昔殊異  
耆舊典型漸將殘缺湮沒後之視今猶今之視  
昔官斯土者不能謝其責焉夫一行作吏此事

高唐州志

卷首

原序

五

遂廢役役於簿書期會之末而於制度文物學  
古入官之道闕如者陋也躬膺民社之大而寄  
情豪素抱儒書弗釋泥古而荒今者迂也余自  
癸巳春由泰山量任此邦疆域不過百里民多  
樸愿惟與十縣交錯良莠雜糅去蠹賊養嘉禾  
余不敢以迂治也捕之逐之置之法而屏移之  
民心秉彛豈甘蹈刑罔哉歲或不登也比年秋  
熟犯者鮮矣復爲宣道鐸之令立課士之程嚴  
左道之禁申保伍之約待罪三載而惴惴焉惟